



O‘ZBEKISTON RESPUBLIKASI MAKTABGACHA VA MAKTAB TA‘LIMI VAZIRLIGI
HUZURIDAGI MAKTABGACHA TA‘LIM AGENTLIGINING
BUYRUG‘I

2023-yil 14 - iyul

79 -son

O‘zbekiston Respublikasi Maktabgacha va maktab ta‘limi vazirining
“Korrupsiyaga qarshi kurashishga oid ichki idoraviy hujjatlarni yangi tahrirda
tasdiqlash haqida” 2023-yil 27-iyundagi 196-son buyrug‘i ijrosini ta‘minlash
to‘g‘risida

O‘zbekiston Respublikasining “Korrupsiyaga qarshi kurashish to‘g‘risida”gi Qonuni ijrosini ta‘minlash, ISO 37001:2016 “Korrupsiyaga qarshi kurashish menejmenti tizimlari — Foydalanish bo‘yicha xalqaro talablar va tavsiyalar” xalqaro standart talablari va tavsiyalarini inobatga olgan holda O‘zbekiston Respublikasi Maktabgacha va maktab ta‘limi vazirligi tizimida va xodimlari faoliyatida korrupsiyaga oid huquqbuzarliklar sodir etilishiga yo‘l qo‘ymaslik va bu borada samarali tizimni shakllantirish, shuningdek, O‘zbekiston Respublikasi Maktabgacha va maktab ta‘limi vazirining 2023-yil 27-iyundagi 196-son buyrug‘i ijrosini ta‘minlash maqsadida,

BUYURAMAN:

1. O‘zbekiston Respublikasi Maktabgacha va maktab ta‘limi vazirining “Korrupsiyaga qarshi kurashishga oid ichki idoraviy hujjatlarni yangi tahrirda tasdiqlash haqida” 2023-yil 27-iyundagi 196-son buyrug‘i ijrosini ta‘minlash to‘g‘risida buyrug‘i ma‘lumot va ijro uchun qabul qilinsin.

2. Mazkur buyruq bilan quyidagilar:

O‘zbekiston Respublikasi Maktabgacha va maktab ta‘limi vazirligining korrupsiyaga qarshi kurashish bo‘yicha siyosati 1-ilovaga muvofiq;

O‘zbekiston Respublikasi Maktabgacha va maktab ta‘limi vazirligi, uning hududiy va tarkibiy bo‘linmalari hamda tizim tashkilotlari faoliyatida korrupsiyaviy xavf-xatarlarni aniqlash va baholash uslubiyoti 2-ilovaga muvofiq;

O‘zbekiston Respublikasi Maktabgacha va maktab ta‘limi vazirligi, uning hududiy va tarkibiy bo‘linmalari hamda tizim tashkilotlarida manfaatlar to‘qnashuvini boshqarish to‘g‘risida nizom 3-ilovaga muvofiq;

O‘zbekiston Respublikasi Maktabgacha va maktab ta‘limi vazirligi, uning hududiy va tarkibiy bo‘linmalari hamda tizim tashkilotlariga aloqa kanallari orqali korrupsiyaviy xatti-harakatlar to‘g‘risida kelib tushgan xabarlarni qabul qilish va ko‘rib chiqish reglamenti 4-ilovaga muvofiq;

O‘zbekiston Respublikasi Maktabgacha va maktab ta‘limi vazirligi, uning hududiy va tarkibiy bo‘linmalari hamda tizim tashkilotlari xodimlarining etika va

korrupsiyaga qarshi kurashish sohasida o'qitilishini tashkil qilish bo'yicha yo'riqnomaga 5-ilovaga muvofiq;

O'zbekiston Respublikasi Maktabgacha va maktab ta'limi vazirligi, uning hududiy va tarkibiy bo'linmalari hamda tizim tashkilotlarida kontragentlarni tekshirishga oid yo'riqnomaga 6-ilovaga muvofiq;

O'zbekiston Respublikasi Maktabgacha va maktab ta'limi vazirligi, uning hududiy va tarkibiy bo'linmalari hamda tizim tashkilotlariga ishga qabul qilinayotgan nomzodlarni tekshirish bo'yicha yo'riqnomaga 7-ilovaga muvofiq;

O'zbekiston Respublikasi Maktabgacha va maktab ta'limi vazirligi, uning hududiy va tarkibiy bo'linmalari hamda tizim tashkilotlarida Korrupsiyaga qarshi tartib-taomillarning samaradorligini monitoring va nazorat qilish uslubiyoti 8-ilovaga muvofiq;

O'zbekiston Respublikasi Maktabgacha va maktab ta'limi vazirligi, uning hududiy va tarkibiy bo'linmalari hamda tizim tashkilotlarida korrupsiyaga qarshi kurash tizimining holati to'g'risidagi hisobotni shakllantirish va taqdim etish haqida nizom 9-ilovaga muvofiq;

O'zbekiston Respublikasi Maktabgacha va maktab ta'limi vazirligi, uning hududiy va tarkibiy bo'linmalari hamda tizim tashkilotlari xodimlarining korrupsiyaviy xatti-harakatlari va odob-axloq qoidalarini buzish holatlari ustidan xizmat tekshiruvlarini o'tkazish reglamenti 10-ilovaga muvofiq;

O'zbekiston Respublikasi Maktabgacha va maktab ta'limi vazirligi, uning hududiy va tarkibiy bo'linmalari hamda tizim tashkilotlari tomonidan xodimlar bilan tuzilgan mehnat shartnomalariga kiritish uchun korrupsiyaga qarshi qoidalarning mazmuni bo'yicha asosiy shartlar 11-ilovaga muvofiq;

O'zbekiston Respublikasi Maktabgacha va maktab ta'limi vazirligi, uning hududiy va tarkibiy bo'linmalari hamda tizim tashkilotlari tomonidan kontragentlar bilan tuziladigan shartnomalarga kiritish uchun korrupsiyaga qarshi qoidalarning mazmuni bo'yicha asosiy shartlar 12-ilovaga muvofiq tasdiqlanganligi inobatga olinsin.

3. Korrupsiyaga qarshi kurashish va kompleks nazoratini amalga oshirish bo'limi (O.Turdiyev) hamda Inson resurslarini rivojlantirish va boshqarish bo'limi (B.Bashirov)larga:

korrupsiyaga qarshi kurash va huquqiy-nazorat tuzilmasi va shtat birligi mavjud bo'lmagan Maktabgacha ta'lim agentligining tizim tashkilot rahbarlariga korrupsiyaga qarshi kurashish bo'yicha muvofiqlashtiruvchi vazifasini mas'ul xodimlaridan birining zimmasiga buyruq bilan yuklatish bo'yicha ko'rsatma berish;

xodimlar faoliyatida korrupsiyaviy huquqbuzarliklarga murossasizlik va ularni sodir etishga yo'l qo'yimaslik bo'yicha barcha zarur chora-tadbirlarni belgilash;

xodimlar bilan tuzilgan mehnat shartnomalariga, xodim mehnat shartnomasi bo'yicha o'z xizmat vazifalarini bajarayotganda, korrupsiyaviy xatti-harakatlarda qatnashmaslik, shu jumladan, g'ayriqonuniy imtiyozlarni olish yoki boshqacha tarzda g'ayriqonuniy maqsadlarda o'zining yoki boshqa shaxslarning harakatlari yoki qarorlariga ta'sir qilish uchun pul mablag'lari yoki boshqa qimmatliklar ko'rinishida pora taklif qilmaslik, va'da bermaslik, pul to'lamaslik, tovlamachilik qilmaslik, bevosita yoki bilvosita pora olishga rozilik bermaslik va pora olmaslik, biron-bir shaxs foydasiga yoki biron bir shaxs xizmatlaridan foydalanmaslik,

mol-mulk yoki mulkiy huquqlarni olmaslik, shuningdek, o'z vakolatlarini suiste'mol qilmaslik majburiyatini olish bo'yicha o'zgartirish kiritish;

korrupsiyaga oid harakatlar haqida axborot berish uchun o'zining aloqa kanallari ishlashini, shuningdek, xabarlarini qabul qilish, ularni ro'yxatdan o'tkazish va kelib tushgan xabarlarga o'z vaqtida munosabat bildirish choralarini ko'rish;

faoliyatda manfaatlar to'qnashuviga yo'l qo'ymaslik bo'yicha shoshilinch choralar ko'rish.

4. Davlat xaridlarini tashkil etish bo'limi (B.Nabixo'jayev), Ishlar bo'limi (R.Irisov) va Bugalteriya (R.Zulfiqorov)larga:

kontragentlar bilan tuziladigan shartnomalarga, taraflar shartnoma bo'yicha o'z majburiyatlarini bajarayotganda O'zbekiston Respublikasining korrupsiyaga qarshi kurashish to'g'risidagi qonun hujjatlarining talablariga zid keladigan har qanday harakatlarni amalga oshirmaslik, shu jumladan, pora berishni taklif qilmaslik, va'da bermaslik, tovlamachilik qilmaslik, pora sifatida pul to'lamaslik, bevosita yoki bilvosita pora olishga rozilik bermaslik yoki pora ya'ni, Maktabgacha ta'lim agentligi markaziy apparati, uning tarkibiy tashkilotlari xodimlari o'z xizmat majburiyatlaridan foydalangan holda pora bergan shaxsning manfaatlarini ko'zlab muayyan harakatlarni sodir etishi yoki sodir etmasligi shartligi yoki mumkinligi uchun moddiy qimmatliklarni yoki mulkiy naf olmaslik, taraflar ushbu harakatlarga yo'l qo'ymaslik bo'yicha choralar ko'rilishiga kafolat berishi kabi shartlarni kiritish.

5. Korrupsiyaga qarshi kurashish va kompleks nazoratini amalga oshirish bo'limiga (O.Turdiyev):

Korrupsiyaga oid huquqbuzarliklarni oldini olish va ularni sodir etishga olib kelishi mumkin bo'lgan sabablarni bartaraf etish, xodimlarning huquqiy bilimlarini oshirib borish va ularni qonunchilik hujjatlariga hamda O'zbekiston Respublikasi Maktabgacha va maktab ta'limi vazirligining ichki hujjatlariga qat'iy rioya etilishini Yuridik ta'minlash bo'limi bilan birgalikda ta'minlash;

tizimda korrupsiyaga qarshi tamoyillar va talablarga rioya qilinishini doimiy monitoring va nazorat qilish, korrupsiyaga qarshi amalga oshirilayotgan tadbirlar bajarilishi haqidagi hisobotlarni O'zbekiston Respublikasi Maktabgacha va maktab ta'limi vazirligining Korrupsiyaga qarshi kurash huquqiy-nazorat boshqarmasiga kiritib borish vazifalari yuklatilsin.

6. Axborot xizmati (M.Asqarxo'jayeva) Maktabgacha ta'lim agentligining korrupsiyaga qarshi kurashish siyosati doirasida amalga oshirilayotgan ishlarni tashkilotning veb-sayti hamda ijtimoiy tarmoqlarida keng yoritib borsin.

7. Axborot-tahlil va ijro intizomi bo'limi (A.Odilov) mazkur buyruqni Maktabgacha ta'lim agentligining markaziy apparati tarkibiy bo'linmalari hamda tizim tashkilotlariga yetkazsin.

8. Mazkur buyruqning bajarilishini nazorat qilishni o'z zimmamda qoldiraman.

**Maktabgacha va maktab ta'limi
vazirining birinchi o'rinbosari -
Maktabgacha ta'lim agentligi direktori**



A.V. Shin